



PERAKUAN PENDAFTARAN PINDAAN KEPADA UNDANG-UNDANG KECIL

*Adalah dengan ini diperakukan bahawa pindaan undang-undang kecil
9(1), 11(1), 13(1), 13(3), 16, 21, 22, 23(1), 23(4), 24(1), 24(3), 56 dan 60(7)*

KOPERASI PEGAWAI-PEGAWAI MELAYU MALAYSIA BERHAD

*telah didaftarkan di bawah
subseksyen 18(3) Akta Koperasi 1993.*

*Ditandatangani dan dimeteraikan pada hari ini
enam haribulan Julai tahun dua ribu dua puluh enam.*



(LEFTENAN JENERAL
DATUK AHMAD NORIHAN BIN JALAL (B))
Pengerusi

Suruhanjaya Koperasi Malaysia



(NOR AZAM BIN MD SALLEH)
Setiausaha Lembaga
Suruhanjaya Koperasi Malaysia



No. Daftar: 310
No. Daftar 12 Digit: 193471400010
Ruj: SKM.IP.(PEND)W-10/(38)

**PINDAAN UNDANG-UNDANG KECIL
KOPERASI PEGAWAI-PEGAWAI MELAYU MALAYSIA BERHAD**

9. (1) Bagi mencapai matlamat dan fungsi menurut undang-undang kecil 7 amnya dan 8 khasnya, koperasi boleh, tertakluk kepada peruntukan Akta dan peraturan-peraturan dan mana-mana perundangannya yang lain menjalankan aktiviti-aktiviti berikut:

(a) Menjalankan aktiviti-aktiviti berikut:

- (i) mengadakan kemudahan untuk membolehkan anggota menyimpan sebahagian daripada pendapatannya dan memberi pembiayaan mengikut syariah kepada mereka bagi maksud yang berfaedah;
 - (ii) menjalankan aktiviti perladangan **dan penternakan** termasuk aktiviti pengguna, agensi dan lain-lain;
 - (iii) mengadakan kemudahan pembiayaan barangan pengguna mengikut syariah;
 - (iv) menjalankan aktiviti skim pajak gadai berlandaskan syariah (Ar-Rahnu) **dan jual beli emas**;
 - (v) membantu anggota menguruskan pembayaran tertentu kepada koperasi ini dan pihak lain;
 - (vi) **menjalankan semua aktiviti berkaitan dengan perdagangan dan pengangkutan**;
 - (vii) **menjalankan aktiviti perniagaan perhotelan, *homestay* dan resort**;
- (b) menjalankan aktiviti kebajikan dan pendidikan anggota;
- (c) membeli, menjual, memindahkan hak milik, mendirikan, menyewa, mencagar, memajak, menggadai dan memiliki harta alih dan harta tak alih;
- (d) melaburkan wang berlebihan dalam perkara yang dibenarkan menurut seksyen 54 Akta;
- (e) mengadakan subsidiari menurut seksyen 19 Akta dengan kelulusan Suruhanjaya; dan
- (f) menyertai usahasama dan menjadi anggota kepada koperasi lain.

Kelayakan menjadi anggota.

11. (1) Keanggotaan Koperasi ini terbuka kepada semua pegawai-pegawai Melayu dan Bumiputra yang berkhidmat dengan:

- (a) Kerajaan Persekutuan, Kerajaan Negeri dan Kerajaan Tempatan;
- (b) Badan Berkanun;
- (c) Syarikat milik kerajaan;
- (d) Koperasi ini, atau subsidiarinya;
- (e) Syarikat swasta yang mendapat kelulusan Lembaga

yang menerima penggajian pokok dan elaun tetap bulanan tidak kurang daripada **RM1,700.00 (Ringgit: satu ribu tujuh ratus).**

Fi masuk

13. (1) Tiap-tiap permohonan menjadi anggota hendaklah disertakan dengan fi masuk sebanyak **RM50.00 (Ringgit: Lima Puluh Sahaja)**. Fi masuk itu menurut seksyen 50(1)(a) Akta akan dikembalikan kepada pemohon jika permohonannya ditolak oleh Lembaga.

(3) Bekas anggota yang memohon untuk menjadi anggota semula dikenakan fi masuk sebanyak **RM100.00 (Ringgit: Satu Ratus Sahaja)**.

Perolehan hak, kewajipan dan liabiliti anggota

16. Menurut seksyen 28 Akta, tiap-tiap anggota yang telah menjelaskan bayaran syer minimum **RM50.00 (Ringgit: Lima Puluh Sahaja)**, yuran bulanan anggota sekurang-kurangnya **RM50.00 (Ringgit: Lima Puluh Sahaja)** sebulan tanpa gagal dan yuran terkumpul berjumlah **RM500.00 (Ringgit: Lima Ratus Sahaja)** bagi anggota bersara yang memilih tidak meneruskan yuran bulannya

boleh melaksanakan segala hak, kewajipan dan liabiliti sebagai seorang anggota, sebagaimana yang terkandung di dalam Undang-undang Kecil ini.

Terhenti menjadi anggota

21. (1) Keanggotaan seseorang anggota terhenti atas sebab berikut:

(a) mati;

(b) menarik diri menurut undang-undang kecil 22; atau

(c) dibuang menurut undang-undang kecil 23.

(2) Lembaga hendaklah menyingkir seseorang anggota yang-

(a) didapati membuat ikrar palsu menurut undang-undang kecil 14;

(b) hilang kelayakan sebagai anggota menurut undang-undang kecil 20;

(c) terhenti keanggotaannya menurut perenggan (c) fasal (1);

(d) gagal menjelaskan syer minimum menurut Undang-Undang Kecil 55;

(e) gagal menjelaskan yuran menurut Undang-Undang Kecil 56 **enam**

bulan berturut-turut dengan tiada kebenaran Lembaga; atau

(f) **gagal mengekalkan yuran/yuran terkumpul berjumlah RM500.00**

(Ringgit: Lima Ratus Shaja) bagi anggota bersara yang memilih

untuk tidak meneruskan bayaran yuran bulanan menurut fasal (4)

Undang-Undang Kecil 56 dengan tiada kebenaran Lembaga.

(3) Lembaga dengan budi bicaranya sendiri boleh membenarkan anggota yang tidak menjelaskan yurannya kepada Koperasi ini lebih dari enam bulan terus menjadi anggota dengan mengenakan denda sebanyak **RM5.00 (Ringgit: Lima Sahaja)** pada tiap-tiap kali anggota itu tidak menjelaskan yurannya lebih dari enam bulan.

Menarik diri

22. (1) Seseorang anggota boleh menarik diri daripada Koperasi ini dengan memberi notis bertulis **dua belas bulan** terlebih dahulu kepada Lembaga. Atas sebab yang munasabah, Lembaga boleh membenarkan penarikan diri dalam tempoh yang singkat.

(2) Melainkan tarikh lebih awal dipersetujui oleh Lembaga, maka keanggotaan anggota itu hendaklah terhenti hanya pada hari genap tempoh notisnya.

(3) Dalam tempoh notis itu, anggota yang demikian hendaklah masih mempunyai hak, kewajipan dan liabiliti sebagai seorang anggota.

Penggantungan dan pembuangan anggota

23. (1) Seseorang anggota hendaklah dianggap telah bertindak memudaratkan kepentingan Koperasi dan boleh digantung keanggotaannya jika didapati melakukan mana-mana satu daripada perkara berikut:

- (a) merujukkan pertikaian atau aduan kepada mana-mana orang selain daripada Suruhanjaya;
- (b) membuat kenyataan dalam akhbar atau mana-mana media massa mengenai Koperasi ini tanpa kebenaran Lembaga;
- (c) membuat tuduhan palsu ke atas Anggota Lembaga atau bekas anggota **atau Jawatankuasa Audit Dalaman atau mana-mana Jawatankuasa yang ditubuhkan oleh Lembaga Koperasi** atau pekerja Koperasi ini;
- (d) memburuk-burukkan Koperasi sehingga mencemarkan nama baik dan menjejaskan urusan perniagaan Koperasi ini; atau
- (e) bertindak di luar etika mesyuarat di dalam mana-mana mesyuarat sehingga menjejaskan perjalanan mesyuarat itu.

23. (4) Keputusan mengesahkan penggantungan dan membuang atau mengetepikan penggantungan keanggotaan itu boleh dibuat oleh mesyuarat agung perwakilan dengan undi **majoriti** daripada anggota yang hadir –

- (a) selepas mendengar penjelasan daripada anggota berkenaan sekiranya anggota berkenaan hadir; atau
- (b) selepas menimbang fakta pertuduhan yang dibentangkan oleh Lembaga, sekiranya anggota tersebut tidak hadir.

Penyelesaian wang anggota

24. (1) Jika seseorang anggota terhenti daripada menjadi anggota Koperasi ini menurut Undang-Undang Kecil 21, semua wang kepunyaannya melainkan nilai syer miliknya, setelah ditolak hutangnya dengan Koperasi ini hendaklah –

- (a) sekiranya dia ditamatkan keanggotaannya, dikembalikan kepadanya dengan segera tanpa apa-apa syarat;
- (b) sekiranya dia hilang keupayaan dari segi mental dan tiada pentadbir atau pemegang amanah bagi hartanya yang telah dilantik, dikembalikan kepada sesiapa yang difikirkan wajar untuk menerima bagi pihaknya setelah penerima itu ditentukan;
- (c) **sekiranya dia mati, dikembalikan kepada penerimanya atau warisnya atau wakilnya yang sah, menurut seksyen 24 Akta, disyaratkan bahawa bagi seseorang anggota Islam, pengembalian tidak boleh dibuat melainkan kepada wakilnya yang sah atau kepada Pegawai Pentadbir Pusaka jika selepas enam bulan dari tarikh kematiannya, penamanya yang sah tidak dapat dipastikan atau dilantik;**
- (d) sekiranya dia menarik diri, dikembalikan kepadanya dalam **tempoh dua belas bulan dari tarikh berhenti menjadi anggota;** atau

- (e) sekiranya dia tidak lagi bermastautin, mempunyai hartanah dan bekerja dalam kawasan operasi Koperasi, dikembalikan kepadanya dengan sewajarnya.

24. (3) Seseorang yang berhutang kepada Koperasi ini samada sebagai penerima pembiayaan atau penjamin, **yang tidak kurang dua belas bulan menjadi anggota bolehlah memberi dua belas bulan notis menyatakan hasratnya hendak menarik diri keluar dari Koperasi ini, tetapi notis yang demikian itu akan terbatal kecuali ia bebas dari segala tanggungan kepada Koperasi ini sama ada sebagai penerima pembiayaan atau penjamin.** Seseorang anggota yang masih berhutang kepada Koperasi ini sebagai penerima pembiayaan dan mempunyai jumlah syer, yuran, syer bonus matang dan kepentingan-kepentingan di dalam Koperasi ini sama banyak atau lebih dari jumlah pembiayaan yang belum dijelaskannya, pada waktu ia menghantar permintaan menarik diri itu, bolehlah di dalam keadaan yang luar biasa, dibenarkan menyelaraskan hutangnya dengan syer, yuran, syer bonus matang dan kepentingan-kepentingan itu, jika ada, akan dibayar kepada anggota itu hanya setelah tamat tempoh **dua belas bulan** dari tarikh permintaannya untuk menarik diri diluluskan.

Yuran

56. (1) Yuran bulanan anggota seperti yang diperuntukkan menurut perenggan 50(c) Akta hendaklah sekurang-kurangnya **RM50.00 (Ringgit: Lima Puluh Sahaja) sebulan.** Tiap-tiap anggota boleh membuat bayaran yuran yang lebih mengikut aturan jimat cermat dan pinjam meminjam yang dibuat oleh Lembaga dengan kelulusan mesyuarat agung perwakilan.

(2) Sumbangan yuran hendaklah dibuat tiap-tiap bulan dari potongan gaji atau apa-apa cara lain yang dipersetujui oleh Lembaga.

(3) Anggota-anggota yang telah bersara dari perkhidmatan atau anggota-anggota yang diluluskan Lembaga bolehlah membuat pilihan supaya tidak meneruskan bayaran yuran bulanan.

(4) **Bagi anggota-anggota yang telah bersara dari perkhidmatan yang telah memilih tidak meneruskan bayaran yuran bulanan menurut fasal (3) hendaklah mengekalkan baki yuran terkumpul berjumlah RM500.00 (Ringgit: Lima Ratus Sahaja).**

(5) Selain daripada sumbangan yuran di bawah fasal (1), anggota digalakkan menyumbang sekurang-kurangnya **RM50.00 (Ringgit: Lima Puluh Sahaja)** sebulan ke dalam simpanan khas;

(6) **Yuran boleh dikeluarkan dalam tempoh dua belas bulan dari tarikh berhenti menjadi anggota atau tertakluk kepada kelulusan Lembaga.** Yuran akan dikembalikan kepada anggota berkenaan setelah ditolak segala bayaran yang perlu dijelaskan oleh anggota itu kepada Koperasi ini. Wang itu akan dibayar oleh Koperasi ini tanpa dividen sekiranya bayaran itu diperbuat sebelum dividen diisytiharkan, dan dengan dividen sekiranya bayaran itu diperbuat setelah dividen diisytiharkan. **Sekiranya pemberhentian itu disebabkan oleh hilang keupayaan dari segi mental, yuran dan kepentingan lain anggota itu hendaklah diselesaikan menurut perenggan (b) fasal (1) Undang-Undang Kecil 24.**

(7) Seseorang anggota bolehlah mengeluarkan sehingga **dua puluh lima peratus** dari jumlah yurannya. Tujuan pengeluaran yuran yang sedemikian adalah tertakluk kepada kelulusan Lembaga dan dibenarkan hanya sekali sahaja dalam lat tempoh tujuh tahun menjadi anggota.

Keuntungan modal

60. (7) Syer bonus yang terbit dari keuntungan jualan harta atau saham yang disebutkan didalam perenggan (a) fasal (1) dan (2) akan menjadi matang dan boleh dikeluarkan dengan tunai setelah anggota memenuhi salah satu dari syarat berikut

—

- (a) mati (dalam hal ini syer bonus dibayar kepada waris anggota berkenaan; atau
- (b) mencapai umur **enam puluh tahun** dan telah menjadi anggota tidak kurang daripada lima belas tahun; atau
- (c) **bersara dari perkhidmatan kerajaan atau badan berkanun mengikut Akta Pencen 1980 dan Akta Pelarasan Pencen 1980 dan mana-mana pindaan yang dibuat ke atas kedua-dua Akta itu dan telah menjadi anggota tidak kurang daripada lima belas tahun;** atau
- (d) bersara dari perkhidmatan yang lain dari yang dinyatakan di bawah perenggan (c) dengan syarat anggota itu telah mencapai umur lima puluh tahun dan telah menjadi anggota tidak kurang daripada lima belas tahun; atau
- (e) berhenti dari koperasi ini tetapi telah menjadi anggota tidak kurang daripada dua puluh tahun.